

宮室考

歷代宮室

附麗朝營繕

本朝宮室

附歷代營繕

文獻備考

東國文獻備考卷之三十五

校正

補宮室考一

上古之世穴居野處而與物無競機智漸生
人不勝物則架槽之規剏焉於是乎上宇下
棟而壯其制礎礎階砌而固其基為之垣墉
而内外有截傳之塗墍而觀瞻生輝聽政而
有宮殿焉必祀而有祠廟焉推而至於府庫
之所蓋藏賓旅之所歸宿莫不由此焉是賴
則宮室之於人國豈不重且大哉苟使為人

牧者處九重而念小民之攸依居廣廈而思
寒士之大庇不徒作燕息遊衍之所而于以
為發政施仁之地治事於斯存警於斯則茅
宮薰殿之化可以齊駕而匹美矣豈不休哉
是庸作宮室考第四凡四卷

歷代宮室

箕子宮室

遺趾在平壤
正陽門外

新羅金城

今慶州

宮室

○始祖二十六年籌京城

號金城

金

始營宮室○逸聖王十年重修○伐休王十三年三

月又重修○訖解王五年重修不兩乃止○文武

王十九年二月又重修頰極壯麗○王又欲新
京城問僧儀相對曰雖在茅屋行正道則福業長
不然雖勞民作城無益乃止

政事堂

逸聖王五年二月建

南堂

一名都堂

沾解王三年建於宮南始聽政於此○

味鄒王七年會羣臣親問政刑得失○訥祗王七
年四月王親養老於此○真平王七年三月旱王
親錄囚於此

貴妃庫

三國遺事云何達羅王四年東海濱有人

夫曰迎烏郎妻曰細烏女迎烏採藻海濱忽漂至

日本國小島為王細烏尋其夫又漂至其國為妃
自是新羅日月無光日者云近烏細烏日月之精
今去日本故有斯恠王遣使求二人細烏乃以所
織綃付使者還令用此祭天依其言日月復光王
遂藏綃於御庫名以貴妃庫

武庫 奈解王二十三年七月兵物自動○孝昭王
八年九月兵庫鼓角自鳴

南庫 奈解王十四年四月蛇鳴于庫中

物藏庫 沾解王五年以天道工於書數拜阿飡委
以物藏庫事務

明活城宮室 慈悲王十八年等宮於月城東移居之

月城宮室 昭知王十年正月等宮於月城移居之
○十八年重修○文武王十四年二月宮內穿池
造山植花卉養珍禽奇獸

天泉亭 昭知王十年正月王幸此亭有烏舍書射

琴匣之異

詳見物異考

瑤石宮 太宗王時此宮有宗室寡婦王勅僧元曉

元曉留宿生子薛聰

詳見氏族考

壤宮

亦名新宮

文武王十五年七月建

永昌宮

文武王十七年春建○聖德王二十六年

冬重修○景德王十六年七月又重修

東宮

文武王十九年建○是年始定內外諸門額

號○景德王三年重修

本祓宮

神文王元年建

新宮

聖德王十六年三月建○景德王七年奉始

德太后殺居于此

善天宮

孝成王三年建

月池宮

憲德王十四年正月以王母弟秀宗為太

子居此宮

南下所宮 景德王改為雜工司後仍舊

青淵宮 景德王改為造秋亭後仍舊

屏村宮 景德王改為玄龍亭後仍舊

會宮 景德王改為業司後仍舊

藪宮

夫泉宮

且熱音宮

業吐只宮

弘規宮

自此宮至平立
宮通稱古奈宮

葛川宮

善坪宮

伊同宮

平立宮

穢宮

染宮 右十一宮世代未改

大宮 真平王四十四年置私臣

梁宮 置私臣與大同宮

城南離宮 景哀王四年甄萱兵猝至王走匿于此

仍被害

朝元殿 真德王五年正月朔受百官賀正於此○

景文王八年九月重修

講武殿

文武王十七年三月王觀射于殿南門

臨海殿

孝昭王六年九月宴群臣於此○哀莊王

五年重修○文聖王九年二月又重修○憲安王

四年九月會群臣於此○景文王七年又重修○

憲康王七年三月宴群臣於此○敬順王五年二

月會宴高麗王於此

崇禮殿

孝昭王七年三月見日本使于此

瑞蘭殿

昭聖王二年四月暴風簾飛不知去處

詳見

物異
考

平議殿

憲德王三年王聽政於此

同禮殿

鼓樓

文武王二年建

望思樓

元聖王七年太子仁謙卒十年太子義英

卒王悲慕不已起樓於宮西名曰望思

鳴鶴樓

文聖王十四年重修

月上樓

憲康王六年九月王與左右登樓見都下

屋廬比櫛歌吹沸騰顧謂侍中敏恭曰此間民間
覆屋以瓦不茅茨炊飯以炭不薪樵有諸對曰自
上臨御以來陰陽和風雨順歲登民足邊境寧謐

此皆聖德所致王欣然樂之○景文王十一年二月重修

倚風樓

在今客館西

有三藏法師所書扁額

月正堂

景哀王十四年九月重修

鮑石亭

在金鰲山西麓

鍊石作鮑魚形故名有流觴曲水

處○景哀王四年十月王與妃嬪宗戚置酒娛樂於此猝聞甄萱兵至狼狽走仍被害

琴松亭

在金鰲山頂

景德王時玉寶高遊樂處

瞻星臺

在今府東南二里

善德王十六年正月鍊石等臺

上方下圓虛其中人由中上下以候天文

利見臺

在今府東五里海崖

世傳文武王患倭寇將薨遺

命葬我于東海濱水中誓為龍護邦國而禦寇盜
神文王從之葬後追慕尊臺望之有大龍見于海
中仍名曰利見臺

九聖臺

在金鰲山

諺傳新羅時九聖所

崇文臺

右二臺世代未攷

萬壽房

在東宮

哀莊王五年建

長倉

文武王三年建

天尊庫

神文王二年海官朴夙清奏東海中有小

山隨波往來山上有一竹畫分為二夜合為一王

使人取竹為笛吹此笛則兵退病愈旱雨晴風
定波平號萬波息笛藏之此庫

的門

聖德王三十年觀射於此

臨海門

恐是臨海殿門

昭聖王二年壞

仁化門

昭聖王二年壞

玄德門

憲德王五年火

武平門

文聖王九年觀射於此○景文王元年御

此門大赦

遵禮門

憲康王五年觀射於此

高句麗沸流宮室

在令成川府

始祖東明王朱蒙逃難

至卒本川觀其土壤肥美山河險固遂欲都而未
遑作宮室但結廬沸流水上居之○輿地勝覽成
川古蹟云東明王三年七月玄雲起鶻嶺人不見
山唯聞數千人聲以起土功王曰天為我等城七
日雲霧散城郭宮室成

九梯宮

在平壤永明寺中○臣謹按東明王時都卒本則此宮恐是行宮

東明王

時建○宮内有麒麟窟朝天石等異蹟又有通漢

延祐青雲白雲等四橋俱是東明王時舊橋自然
天成而不暇人工諺傳王昇天時由通漢橋下九
梯宮云

凉谷離宮

在成川

琉璃王三年姬二姬曰永姬曰雉

王造東西二宮於凉谷分處之

尉那巖城宮室

輿地勝覽載義州古蹟而三国史云當在鴨綠江以北此說恐是

琉璃王二十二年尊尉那巖城營宮室移都之

別宮

在地未攷

太祖王九十四年十一月禪位於弟遂

成退老於別宮

豆谷離宮

今未詳其地

琉璃王二十九年建

九都城宮室

今未詳其地

山上王二年尊城置宮室十

七年移都之

平壤城宮室

東川王二十一年二月尊城營宮室

移都之○烽上王七年十月增修宮室頗極壯麗
民飢困不能堪○九年八月又發男女年十五以
上大修宮室國相倉助利驟諫不從

東黃城宮室

在平壤府木覓山中

故國原王十三年七月築

城營宮室移都之○廣開土王十六年二月增修
宮室○陽原王十三年宴羣臣於內殿○平原王
十三年八月又重修以蝗旱罷役

安鶴宮

在長安城中今平壤府北九龜山上

陽原王八年築城營宮

室平原王二十八年移都之

南史云高句麗俗好修宮室於所居之左立大屋

祀鬼神

百濟慰禮城宮室

在今稷山縣
陳聖居山

始祖元年築城營

宮室都之

漢山宮室

今廣
州治

始祖十三年九月營立城闕翌年

正月移都之

新宮

始祖十五年正月建儉而不陋華而不侈○

肖古王二十三年重修○比流王三十年又重修

南堂○古爾王二十八年正月王始服紫袍金冠

聽事於此

射臺

比流王十七年八月築於宮西每朔望習射

西門 古甬王九年觀射於此

南平壤城宮室

今漢陽京都

近肖古王二十六年十月

建城闕移都之○辰斯王七年正月重修宮室穿

池造山植異卉養奇禽○蓋鹵王大起宮室盡發

國人炆土築城樓閣臺榭無不壯麗國弊民怨以

及於禍○文周王二年又重修

狗原行宮○辰斯王時建

熊津宮室

今公州

文周王元年十月築城闕移都之

○東城王八年二月重修

臨流閣 東城王二十二年春建於宮東高五丈又

穿池置園養奇禽諫臣抗疏不報恐有復諫者閉

宮門○五月旱王與左右宴于閣中徹夜

泗泚宮室

餘令扶

聖王十六年等城闕移都之抱扶

蘇山而等號半月城○武王三十一年二月重修

○三十五年三月鑿池於宮南引水二十餘里注

之四涯植以楊柳池中等島嶼擬海上仙山

太子宮

義慈王十五年二月重修

窮極侈麗
國人怨咨

望海樓

在地未改

武王三十七年八月宴羣臣於此

望海亭

義慈王十五年二月立於宮南

皇華臺

在地未改

義慈王嘗遊於此

自溫臺

在今縣西五里

諺傳義慈王遊於此巖則巖自溫

故名

天政臺

或補政事巖在今縣北十里許

諺傳百濟時欲拜宰相則

書當選者名函封置巖上君臣俱抱笏列伏于北
崖沙際少頃取看名上有印跡者拜之

馬韓宮室

在今蓋山郡八里龜華山上

漢惠帝丁未箕準避

衛滿南奔立國於金馬渚

外紀云馬韓俗居處作草屋土室其戶向上

三國志云弁辰國人俗作屋橫累木為之有似牢

獄

瀝國宮室

在今江陵府城東

後漢書云瀝國俗若人死則輒棄舊宅更造新屋

潁國宮室

在今春川府北三里昭陽江北

挹婁宮室

在今扶餘東千餘里

三國志云挹婁之人居山谷間人家深至九梯

以多為好

駕洛國宮室

在今金海府內

駕洛王金首露三年

新羅儒理王二

十一年二月築都城營宮室

金官志云首露王初立剏建假闕土階三尺

大伽倻國宮室在今高靈縣南一里

召文國宮室在今義城縣南二里

甘文國宮室在今開寧縣東二里柳山北東虎傍

骨伐國宮室在今永川郡東南五里臨川府縣

沙伐國宮室在今尚州東十里屏風山下

駒令國宮室在今安東府北春陽廢縣北三十里高連嶺上

弓裔宮室在今鐵原府北二里 弓裔五年新羅考恭王九年

七月修葺宮室樓臺窮極奢侈

甄萱宮室在今全州府北五里

高麗宮室 布政殿在今鐵原阜弓裔所創洪儒裴

玄慶等推戴太祖昂位于此殿○二年正月移都
松岳郡陞為開州創宮闕立市廛辨坊里三月創
法王王輪等十寺于都內○王以崔彥撫委文翰
之任宮院額號皆所撰定

延慶宮

在松岳山下

術家謂明堂之地其正殿曰乾德

或稱

門

西南屬化東東華觀門西西北玄武

仁宗時為李資謙所焚恭

愍辛丑又經紅賊之亂不復修建今稱本大闕其
闕庭謂之毬庭

明福宮

本黃州院景宗改今名

麗正宮

本壽春宮後改今名○文宗祀太一於是

宮以禳火災

正陽宮

本上陽宮顯宗改今名後復改為書和宮

興盛宮

宣宗舊宅

元禧宮

本興慶院宣宗改今名

保寧宮

本崇慶宮宣宗改今名

安壽宮

本延平宮睿宗改今名

崇德宮

本長慶宮睿宗改今名

福源宮

睿宗毅宗嘗親醮于是宮

大明宮

本順天館仁宗改今名○嘗餞金使于是

宮

延德宮 李資謙犯闕仁宗出御是宮

壽昌宮 自延慶宮焚燹後皆御是宮我太祖亦登

極于此

今則頽廢為本府倉廩

壽德宮 本翼陽侯皓私第毅宗十一年取以為宮

有殿曰天寧

館北宮 毅宗二十年集延恩館北人家為別宮增

加修飾作窟室等臺歸以金玉窮極奢麗

星北洞別宮 本侍中金敦時私第毅宗十一年取

以為宮

安景宮 本侍中王冲私第毅宗十一年取以為宮

靜和宮

本叅知政事金正純私第毅宗十一年取

以為宮

連昌宮

本平章事庾弼私第毅宗十一年取以為

宮

慶明宮

本宦者鄭誠私第在闕東南廊廡二百餘

間樓閣崢嶸金碧交輝毅宗十一年取以為慶明

宮太史以為地形犬舉頭吠主之勢不宜臨御不

聽

瑞豐宮

本樞密副使金巨公私第毅宗十一年取

以為宮

堤上宮

昌樂宮

明宗為崔忠獻所逼困于是宮

和平宮

明宗時所御宮

景禧宮

義昌宮

德慈宮

忠宣王薨百官奉箋上尊號太上王于是宮

玄德宮

膺慶宮

或稱竹板宮
在竹板洞

忠烈王五年建

三峴新宮

忠惠王四年建

景靈殿

奉安祖宗時容

向福殿

本含慶殿後改今名

觀樂殿

八閔燃燈時所御殿

長生殿

光宗嘗宴群臣於是殿

詳政殿

成宗時所御殿穆宗時災

元和殿

思賢殿

成宗時日南至嘗御是殿受群臣朝

天成殿

長春殿

乾化殿

穆宗有疾嘗設祔禱道場于是殿

祥和殿

本雍和殿後改今名

天福殿

或設道場或宴群臣或迎宋金使

宣德殿

純福殿

萬寶殿

本玄德殿仁宗改今名○穀宗十二年灾

甫和殿

本正陽殿仁宗改今名

大觀殿

本乾德殿仁宗改今名在延慶宮

承慶殿

本會慶殿後改今名

奉元殿

本膺軋殿後改今名

千齡殿

本長齡殿後改今名

修文殿

本文德殿仁宗改今名

儲祥殿

本乾明殿仁宗改今名

金明殿

本明慶殿仁宗改今名

集賢殿

本延英殿仁宗改今名

廣仁殿

本宣政殿仁宗改今名

穆清殿

本宣明殿仁宗改今名

靜德殿

本含元殿仁宗改今名

永壽殿

本萬壽殿仁宗改今名

康安殿

本重光殿仁宗改今名○忠肅王重修

睦親殿

本宴親殿仁宗改今名

靈憲殿

本五星殿仁宗改今名

集禧殿

本慈和殿仁宗改今名

天寧殿

在壽德宮毅宗宴近臣於此

延康殿

本中和殿後改今名

崇文殿

在大明宮

和平殿

在壽昌宮

明仁殿

寬仁殿

重華殿

八角殿

在花園中

恭愍王二十二年六月作二層八角

殿于泥峴周植花卉以為燕遊所

昭格殿

在宮城北麓

崇文館

忠穆王即位毀忠宣王所作新宮為崇文

清讌閣

睿宗十一年置閣于禁中與諸學士朝夕

講論經史

寶文閣

在清讌閣側

睿宗既置清讌閣以在禁中學士

出八為難乃修紅樓下南廊為講會之堂號寶文閣

天章閣

睿宗十二年使臣李資諒等還自宋帝罷

待優厚賜王御製親札同年置閣于禁中藏宋帝所賜親製詔書及御筆書畫

冲虚閣 毅宗起一閣於大內東北隅扁以冲虚金
碧鮮明華歸絕麗

威鳳樓 太祖十年九月破神劔等至自浚百濟御
是樓受文武百官朝賀

儀鳳樓 本神鳳樓卽延慶宮大樓也浚改今名凡
太廟太祀燃燈大會八閤會皆御此樓或飯僧或
賜酺

紗樓 肅宗御是樓召詞臣賦詩○肅宗御是樓召
文臣重試

韶輝樓 本宜春樓浚改今名

涼樓

忠烈王每御是樓觀擊毬

觀祥樓

本望海樓後改今名

陽和樓

在長源亭側

九曜堂

麗朝醮星處

壽樂堂

蓋以茅

賞春政

玉燭亭

山呼亭

右三亭在延慶宮後苑

閨苑亭

顯宗即位初毀之珍禽奇獸魚鼈之類皆

放之山澤

萬壽亭

在壽昌宮北苑

肅宗八年置二花園于宮南西時

宦侍競以奢侈媚王起臺榭峻墻垣括民家花草移栽其中猶以為不足又求於宋商費內帑金幣不貲使宦者尹彥文聚恠石等假山構小亭號曰萬壽至以黃綾被壁窮極奢侈

養性亭

毅宗構一亭於內閣之側聚恠石名花扁

曰養性

太平亭

毅宗十一年於閣東壞民家五十餘區作

亭名曰太平命太子書額鑿池亭南傍植名花異果奇麗珍玩之物布列左右

觀瀾亭

在太平亭池南

養怡亭

在太平亭池北

蓋以青瓷

養和亭

在太平亭池南

蓋以櫟

衆羨亭

在清寧翁南

毅宗二十年建亭之南澗築土石

貯水崖上作茅亭鳬鴈蘆葦宛如江湖之狀

靈德亭

蓋以茅下同

玉芋亭

迺福亭

在開城府東大門外山臺巖下

毅宗二十年王聞城東沙

川龍淵寺南有石壁數仞削立臨川曰虎巖流水

渟瀟樹木蓊蔚命內侍李唐柱裴衍等構亭其側

名曰延福奇花異木列植四隅以水淺築堤為湖
沙水善壞隨毀隨補晝夜不息人甚苦之

長源亭

在豐德郡西二十五里

道說松岳明堂記西江邊有

君子御馬明堂之地自太祖統一丙申之歲至百
二十年就此創構國業延長文宗十年命太史令
金宗元相地作亭於西江餅岳之南又得瑞文石
于亭下淵中

滿月臺

在延慶宮

卽正殿前階

歡喜臺

在太平亭傍

毅宗十一年磨玉石筭之聚惟石

作仙山引遠水窮侈麗民間珍異之物輒稱寶貴

取之怨咨盈路

義成臺 上同

鮮碧齋 蓋以茅

巡御所 毅宗十一年取平章事文公元松第為巡御所

楊州新宮

文宗二十二年建為南京

以下各處別宮

臣謹按麗史文宗二十二年創新宮于楊州

陞楊州為南京而肅宗四年又曰金謂碑之議王與王妣元子親幸楊州相宅都之地仍營宮闕未知文宗時所創者何宮而與肅宗

相宅之地不是一處耶及睿宗二年吳延寵
駁龍堰之奏只舉文宗西京作宮之事而不
論南京新宮之利害但泛言近者開創南京
七八年而無吉應其所云近者即指肅宗時
營建宮闕而言往昔之事無由詳覈可慨也
已

南京宮闕

在楊州三角
山面岳南

肅宗七年建

西京龍堰宮

在平壤府
北四里

睿宗二年建

西京大華闕

在平壤府
北三十里

仁宗六年十一月建

白州州

白

重興殿

毅宗十二年建

江都宮闕

在府東十里松岳里

高宗二十一年營宮闕百司

于江都時遷都草創凡毬庭宮殿寺社名號皆擬

松都

昇天府

在豐德

宮闕

在府南十五里白馬山

高宗三十七年遣

大將軍李世材慎執平等營建宮闕于山南臨海

院舊基

摩尼山離宮

在江華府南三十五里

高宗四十六年校書郎

景瑜言創闕於是山則可迺基業命創離宮于此

山之南

神泥洞假闕

在江華府南三十里傳灯三山即城

元宗五年五月建

壽康宮

在豐德府所屬府縣德水縣馬蹄山

忠烈王四年建自是常

觀獵于此

白岳新宮

在長湍府所屬臨津府縣北五里白岳山

高宗四年建

附麗朝營繕

光宗十二年大修宮闕初太祖躬行節儉宮室僅庇風雨制度朴陋至是光宗置修營宮闕都監大修宮闕制作踰節一歲費用足為太祖十年之費云

顯宗二年十月修營宮闕至五年正月乃成

肅宗四年衛尉承同正金謂碑上言請遷都南京畧曰道詵記云高麗之地有三京松岳為中京水覓壤

為南京平壤為西京十一十二正二月住中京三四
五六月住南京七八九十月住西京則三十六國朝
天又云開國後百六十餘年都木覓臣謂今時正是
巡駐新京之期今國家有中京西京而南京闕焉伏
望於三角山南木覓北坪建立城都以時巡駐日者
文衆從以和之三月王與王妣元子幸三角山相宅
都之地六年置南京開創都監命平章事崔思諤御
史大夫任懿知奏事尹瓘等相之思諤等奏就蘆原
驛海村龍山寺處審視山水不合建都唯三角山面
岳之南山形水勢符合古文請於主幹中心大脉土

坐丙向隨形建都徙之七年中書門下奏新宮南京
度地必廣多集民田請據京緯令所說或依山取勢
或約水表形先以內徙山水形勢東至大峰南至沙
里西至岐峰北至面岳為界徙之○九年八月王至
南京遊覽臺榭苑囿凡事皆依日官所奏不合禮制
有司莫有言者

睿宗二年初術士以讖勸王就西京創宮闕以時巡
行遣內人鄭克恭與司天少監崔資顯太史令陰德
全吳知老主簿同正金謂碑等相龍堰舊墟兩府會
議俱以為可知樞密吳延寵獨曰南京之役甫畢民

勞財匱不可役疲民起新宮如欲巡御不如舊宮不
報至是平章事崔弘嗣等奏太史言都松岳今二百
餘年地脉已衰宜卜龍堰以應讖書延寵復奏曰文
宗惑術數作西京左右宮既而悔悟終不巡御虛費
財力近創南京迨七八年迄然吉應况西京旧宮距
龍堰不遠地勢吉凶未必有異無明訣可徵而棄祖
宗舊宮別構新闕毀撤屋戶騷動人民不可也王平
從弘嗣言自是兩京衰旺之說日新月盛終麗之去
建都移御之術紛然矣

徐居正曰術家地脉衰旺之論固不足信弘嗣

為相曾未聞謀猷猷替論帝王基業固在於順
天時得地利誠小民而以兩京衰旺之說唱議
建白其源一開妙清因之得售其奸仁宗幾不
保其身終麗之世松都氣衰建都移御之術紛
紜不定三蘇餅嶽白嶽漢陽卜地非一勞民動
衆福未獲而禍已隨未必非弘嗣啓之也

仁宗六年西京僧妙清日者白壽翰等以陰陽不經
之說眩惑衆人鄭知常深信其說以為上京基業已
衰宮闕消盡 京有王氣宜移御為上京內侍金安
洪彝叙李仲孚大臣文公仁林景清從而和之遂奏妙

清聖人也所請無不容受則政成事修國家可保也乃曆請諸臣署名翰林承旨金富軾叅知政事任元數承旨李之氏狝不署名於是妙清等上言西京林原驛地即術家所謂大華勢若立宮闕御之則可并天下金國執贄自降三十六國皆為臣妾王欣然慕之幸西京移林原驛命從行宰樞與妙清相地躬

新宮

妙清使崔弘宰等宰臣三四人及勾當從事負吏皆公服序立將軍四人甲而鉤立于四方率

百二十人槍三百人炬二十人煇而環立妙清在中以白麻繩四條長三百六十步四引作法自言太一

玉帳步法禪師道誦傳之康靖和康靖和傳之我我臨老得白壽翰傳之非眾人所能知也遂營闕安入聖

於闕內以白頭為始鄭知常撰祭文曰不疾而速不行而至是名得一之灵即無而有即宗而虛蓋謂本

來之佛惟天份可以制萬物惟主德可以王四方
於平壤之中卜此大花之勢劇閭宮閣祇若陰陽安
八仙於其間奉白頭而為始想朕光之如在欲妙用
之現前恍矣至真雖不可眾靜惟宗德節是如來會

繪事以莊嚴叩玄關而祈饗時方沍寒民其怨苦翰
妙清等以妖術誣上多類此

林學士金富轍上疏極諫不從明年二月新宮成王

御乾龍殿受賀妙清等知常言上方坐殿聞空
中樂舞以為御新闕之瑞逆草賀表

請宰樞
不從

仁宗十年正月營修宮闕李資謙之亂宮闕灰燼至

是始命重修十六年十月始成御新宮改殿閣及宮

門御書額號○時王多修宮闕令兩府宰樞監督門

下奏所謂十羊九牧宜減員數王從其言只以門下

平章事崔弘宰等三負監董

毅宗十二年 史監侯劉元度奏曰州免山半月岡

實我國重興之地若營宮闕七年之內可吞北虜遣
平章事崔允儀等創別宮賜名重興殿額大化術者
竊語曰此道說所謂庚方客虎舉頭掩來之勢創闕
於此恐有危亡之患

明宗十年重營宮室變亂之後宮闕灰燼先是只令
修補至是重營之康安殿成門額舊曰嚮福武臣以
為音近降服文臣欲以此壓武官而降服之也請改
額改以永禧武臣曰永字之意吉凶未可知請以重

房之重字從之麗景門成諸將奏高廣宜準向成門
詔可麗景在東向成在西慮東高於西文勝武故有
是議

時尚書朴純弼大營私第於東宮之傍太子告王
曰術人以為尚書之第於東宮為月建方不宜營
造請禁之王曰尚書必不聽我言汝宜修省以銷
變聞者莫不憤痛

高宗薨太孫監國時蒙古屢責出睦太孫亦欲還都
舊京始營宮闕○元宗九年李巖用固請還都舊京
金俊等皆不欲巖用曰若不能捲席以出且令作宮

室夏居松京冬返江華如上國之有兩都於是置出
排都監

元宗五年五月中即將白勝賢言三郎城神泥洞造

假闕親設五星道場則可寢親朝三韓變為震朝諱代

大國來朝也王信之命大將趙文柱祭酒金垵將軍

宋松禮及勝賢等創假闕禮部侍郎金軌方尔為凶

山叅政金俊深惑勝賢之言欲斬軌而未果假闕成

六月王移御

忠烈王五年撤竹板洞人家三百餘户作公主新宮

昂應慶宮役徒四千凡四年而畢監察司上言修宮室今

已三載而朝士無僭隸者至賣祿牌崔嵬起役請除之以竣農隙不報○十年十一月徵中道丁夫營竹板宮大殿○初公主營繕宮闕甚急制度皆用上國規模作層樓高屋規候署奏言道詵密記穉山為陰為高樓多山為陽為平屋欲其陰陽相配也我國多山若作高屋必招褻損太祖以來非惟闕內不高其屋至於民家悉皆禁之今不遵太祖之制失陰陽之和恐有不測之禍伍允孚又言於公主曰天變屢見加以亢旱請弛營繕修德弭災是日王暴得失甚劇宰樞請停營繕公主許之王大喜既而王疾愈公主

復召工匠構三層閣發諸道役夫督之愈急○王之
如元也公主召宰樞卜日營宮室判觀候署伍允孚
曰今年興土功不利於人主寧斫臣頭不敢卜日替
成事柳璥曰日官愛君以誠不顧其身臣待罪宰相
聞其不利於君忍起土功耶請備材瓦待大駕還作
之未晚公主怒免允孚官及王還自元過造成所杖
允孚以不早消日允孚曰擇日者欲避凶趨吉也賀
而擇之如勿擇臣寧就戮不敢阿旨

忠宣王受禪後作新宮王初欲以車信象為官既興
工相地者以為不吉遂卜於密直司

即彥昌
古基也

大興工

役

元年三月命檢校中護裴挺重修延慶宮。叔中外公
私屋材毀梨峴新宮。朝野怨之。及上樑。倣上國制。百
官皆賀。用銀綃紵布為幣。殿宇廊廡凡四百一十楹。
四年春又復重修。

忠肅王元年正月上王視康安宮殿宇傾圯。歎曰。父
王於三十年宴樂之際。若新此殿。庶無寡人。今日之
憂。遂燃燈促令改營。

忠惠王四年三月作新宮于三峴。使惡少奪人材木。
張旗執鼓。躬督其役。王怒。營構稽緩。責監督官金善。

莊等曰若不斷手於十月之內必授重刑又張榜曰
宰相至權務輸材不及期者徵布五百疋配島於是
晝夜董役輦材絡繹殿宇門戶皆歸鑄銅乃命百官
至胥吏每二人給五綜布一疋徵鑄銅二斤又歛諸
道銅鉄鑄鼎鑊錡釜納之新宮民間農器盡括無餘
後元使德實見榜文取歸館謂蔡河中曰為人君者
當使民以時今役民妨農民何以生吾將奏于帝王
使河中固請乃止○王又好營作嘗作內廐破人家
百餘區廣築墻宇奪人良馬充之又令臣僚及倉庫
獻酒餅餉新宮役徒綾帛以助其費又徵丹益於諸

道後期者收布倍筵吏緣為姦百姓愁怨庫屋百間
實穀帛廊廡置絲女

恭愍王元年夏禁土木之役限二年

五年僧普虛以讖說說王曰都漢陽則三十六國來
朝王感其說大修漢陽宮闕於是人心動搖負戴南
行者如市法司不能禁致仕尹澤引妙清事上疏力
諫王不聽

九年欲遷都南京卜于太廟不吉不果遷於是王親
幸此山相地山南營宮闕謂之新宮十一月移御于
此

十五年五月大起公主影殿于王輪寺東南伐德陵
木殆盡以營齋室守陵者不敢禁令百官以秩出役
夫輦木石數百人挽一木尚不能進呼耶動天地晝
夜不絕牛馬死者相繼

十七年五月又以王輪影殿佛宇狹小無以容三千
衆卽撤移馬巖時方農月怨咨大興時影殿之役甚
急伐礎石于崇仁門外輓致馬巖大如屋又發丁州
縣輸材壓溺死者無數中外困敝無敢言者王召元
匡元世于濟州使營影殿世言於都堂曰元帝好興
土木以失人心自知不能保四海詔吾輩營宮耽羅

為避難計功未訖而亡吾輩失衣食今被徵復衣食
誠萬幸也然元以天下之大勞民以亡高麗雖大其
能不失人心乎願諸相啓王都堂不敢以聞

十九年四月作觀音殿於影殿凡九楹制甚高廣及
其上樑壓死者數十人太后聞之請罷役王不聽○
六月復修王輪寺影殿辛丑李春富請罷馬巖影殿
徙之復修王輪寺影殿尋以規模狹隘撤而改營

二十一年七月以影殿鍾樓尚未高大又命改營其
鸞頭之費所歸黃金六百五十兩白銀八百兩其糜
費類此

辛禍初置左蘇造成都監禍嘗召三司左尹洪仲宣
政堂文學權仲和等曰京城控海慮有不虞且地氣
有裏旺而定都已久宜擇地徙都其考道詵書以聞
前摠郎閔中理上言道詵密記北蘇箕達山即狹溪
可以遷都遣仲和相之得北蘇宮闕旧基朝議以山
谷漕運不通遂寢尋以國史有左蘇白岳山石蘇白
馬山北蘇箕達山三蘇創建宮闕之文遂營白岳山
後以年荒論罷

臣謹按高宗四年營宮闕于白岳恭愍九年
又營宮室十一月移御則今此辛禍所營者

果是何宮白岳之下又創別宮耶是未可知也

三年六月傳中外營繕禍下書都堂曰今因兵革饑饉不可以土木之役重困吾民自今中外營繕一皆停罷

趙俊上書曰國家置造成都監使管一國材鐵之用一木之曳至斃十牛一爐之治至廢十農

八年九月移都漢陽先是書雲觀以災異屢見請移都避灾李仁汪執不可至是崔瑩力請遷都臺諫爭之不得九月癸酉遷都漢陽翌年二月門下府以新

京凡事草創請還都松京徙之

時軍民苦暴露及行火其廬幕以冀不復

來也

恭讓王二年修漢陽宮闕書雲觀以地理衰旺之說請幸漢陽以休地德王以問朴宜中對曰以讖緯術數保其國家臣未之聞也且擾民供億之弊不可勝言哉臺臣又爭之不納九月移都漢陽朝臣多言不便三年二月復還松京

東國文獻備考

宮室考二

本朝宮室

臣謹按本朝宮闕雖載於輿地勝覽而累經
兵燹沿革不一且從後建置者又無一副當
成書九重深嚴之所非外人所可目擊者則
與其輕信道塗之聽說而率易載錄於至敬
至重之地無寧闕疑闕殆以俟典章修明之
日為十分慎密底道理故茲以其闕舛於其

年某宮在於某所者八錄而至於殿閣堂室
之星羅碁布者不敢該載以存敬畏之體

肅宗朝御製宮闕志序志者記也記事實而傳諸
後也蓋年代寢久文獻無徵則將不得以考據矧
伊宮闕之重且大者乎此所以追錄輿地勝覽之
所不載者也景福卽我太祖大王定鼎初法宮也
故載於篇首而一從勝覽所錄其次昌慶昌德儲
承慶德萬壽上林而於義洞宮亦并錄焉誠以此
我孝宗大王龍興舊宮事體之重與他無甚異也
或採取勝覽或廣加聞見遂成一書以資考閱至

若鬱攸之宮撤毀之殿莫不滿載而惟其事蹟難
知之處輒補未詳者此亦闕疑之法云

景福宮

在北部白岳山南

太祖三年建鄭道傳取介甫景

福之義獻名曰景福宮○明宗八年火思政殿以

南皆燬九年重修

文純公李混撰記

○宣祖二十五年倭

亂燬乃廢

欽敬閣

在宮內

世宗二十年建

金燬撰記

○後火

報漏閣

在尚瑞院北

世宗十六年建

金燬撰記

簡儀臺

在宮城西北隅

世宗十六年建

承政院

在月華門外

○趙瑞康

撰記

弘文館院在承政西

尚瑞院閣在報漏南

春秋館院在尚瑞西

藝文館院在承政西

承文院李在弘禮門外
○

校書館○內館在司饗院南
李承旨撰記

司饗院院在承政南

內醫院監在觀象南

尚衣院監在觀象北

內司僕寺李在迎秋門內
○

觀象監

院在尚衣南

典設司

門在弘禮東

典消司

門在弘禮西

都總府

在光化門內
徐居正撰記

內班院

在慶倉樓南門西
文忠公金宗直撰記

○以上宣祖二十五

年倭亂并燬仍廢

昌德宮

在忠化坊

國初建

○宣祖二十五年倭亂燬

光海元年重建

璿源殿

奉安肅宗英宗兩朝御容

齊政閣

在熙政堂南

肅宗十三年建

欽敬閣 光海六年建○後撤為萬壽殿基○英

宗四十六年更建于觀象監御書篇名

奎章閣

在禁院

肅宗二十年建于宗簿寺御筆扁

額○今上丙申始建于大內○宙合樓今上御

筆扁額以奉當子御真御製御筆寶冊印章○

奉謨堂以奉列朝御製御筆御畫顧命遺誥密

教及璫譜世譜寶鑑狀誌○閣古觀○皆有窩

並藏華本國籍○移安閣旧名書香閣御直御

製御筆移奉曝曬之所○西庫藏東本國籍○

摛文院在金帟門內弘文館右即旧都總府今

上五年取為閣臣豹直之所御筆扁額

司饗院

門在瑞陽

承政院

門在延英

扁以六仙樓

匪躬堂

院在承政

即賓廳

徐居正撰記

臺廳

院在承政

宣傳官廳

院在承政

內三廳

門在仁政

武兼廳

門在光範

忠壯衛廳

門在仁政

香室

殿在仁政

藝文館

室在香南

內醫院

藝一號藥房在
西

弘文館

院在內醫
西

南所

門在金廊
北

西所

門在曜金
內

右二所衛將直宿處

內班院

門在宣政
東

排設房

門在肅章
外

尚瑞院

房在排設
西

扈衛廳

院在尚瑞
西

內兵曹

廳在扈衛
西

典設司在進善門外

尚衣院在丹鳳門內金萬基撰記

昌慶宮在昌德宮東壽康宮舊基 成宗十四年為貞喜王后仁

粹大妃宮順王后三宮而建 宣祖二十五年倭

亂燬 光海八年重建

報漏閣在侍謀院東 光海六年建即今之漏局

欽奉閣 英宗四十六年建御筆扁額奉國朝以

來領降詔勅

承政院舊在金馬門南

弘文館舊在承政院東

司饗院

舊在明政殿

右三處宣祖二十五年倭亂并

燬仍廢

別軍職廳

在回蓋門外

孝宗七年建

都摠府

在迎光門內

今上五年自昌德宮移設于此

內司僕寺

在宣仁門內

侍講院

在集賢門外

翊衛司

在侍講院

忠翊衛廳

在宣仁門內

東所

在宣仁門內

北所

在崇智門東

右二所衛將直宿處

慶熙宮

在西部

光海八年建○初號慶德宮英宗

三十六年以興章陵謚號同音改今名

揆政堂

在興政堂東

英宗八年建以安渾天儀御製

閣記

敬奉閣 英宗四十六年建御筆扁額奉國朝以

來頒降詔勅

賓廳

在開陽門內東

承政院

臺廳

藥房

尚瑞院

右四處并在建明門內

內兵曹

在真化門內

奎章閣

弘文館

在閣館在金商門內

藝文館

承文院

在崇義門內

都總府

在開陽門內

扈衛廳

在崇政門外西

別軍職廳

宣傳官廳

右二廳在建明門內

武兼廳

門在金商

守門將廳

門在興化

忠壯衛廳

門在金商

司僕德應

門在開陽

典設司

侍講院

翊衛司

右三達明門在

東所

門在興化

南所

門在開陽

西所

門在崇義

北所

門在武德內

右四所衛將直宿處

仁慶宮

在西山下

本元宗私第光海八年以術者

云塞門洞有王氣朔是宮以壓之仁祖反正後即

為撤毀

永禧殿

在南部薰陶坊

本懿淑公主第光海二年取為恭

嬪廟改稱南別殿奉安太祖世祖影幃仁祖十

五年重修奉安元宗影幃肅宗三年增建十六

年改今名英宗二十四年并奉肅宗影幃○今

上朝又奉英宗影幃

儲慶宮

在崇禮門內

本仁祖潛邸英宗三十一年改今

名享敬惠裕德仁嬪金氏

毓祥宮

在白岳山下

英宗元年建享和敬徽德安純綏

福淑嬪崔氏

景慕宮

在東部崇教坊

今上丙申建御筆扁額享綏德敷

慶弘仁景祉莊猷世子

永慶殿

在都城內

宣祖三十四年建享順懷世子○

仁祖二十五并并享昭顯世子

懿昭廟

在北部順化坊

本英宗舊邸三十年建享懿昭世

孫

文禧廟

在北部安國坊

今上十二年建享文孝世子

大嬪宮

慶在中部

景宗二年建享玉山府大嬪張氏

巡祐宮

今上二年建享溫禧靖嬪李氏

宣禧宮

右二宮并在北部順化坊

享暎嬪李氏

慶壽宮

在東部蓮花坊

於義宮

俗稱上於義宮在中部慶幸坊

仁祖潛邸

龍興宮

俗稱下於義宮在東部崇教坊

孝宗潛邸

彰義宮

在北部順化坊

英宗潛邸

壽進宮

在中部壽進坊

本齊安大君第今祀未封爵未出

閣大君王子公翁主

明禮宮

在西部皇華坊

本慶運宮癸巳回鑾後宣廟長御

此宮○光海時仁穆大妃退處于此亦號西宮○

仁祖癸亥即位于此宮

龍洞宮

在西部
皇華坊

世傳順懷世子舊宮而未詳是否

梨峴宮

在東部
蓮華坊

世傳光海君舊宮今為壯勇衛營

衍禧宮

在京城
西十里楊州地

定宗傳禪後時御此宮

文廟

在東部
崇教坊

太祖七年建○定宗二年火○太宗

七年重建

卞季良撰碑○宣祖二十五年倭亂燬

○三十五年重建李廷龜撰碑

尊經閣

在文廟
北

成宗六年建徐居正撰記○宣祖

二十五年倭亂燬○三十五年重建

正闡堂

在成均館西

顯宗六年建

闕八齋

一兩齋

東齋

西齋

六一閣

在尊經閣西

英宗十九年建

啓聖祠

在文廟西

肅宗二十七年建

崇節祠

在文廟東

英宗元年建○三十六年以御筆

揭祠板

南闕王廟

在崇禮門外

宣祖三十一年天將陳寅建

東關王廟

在興仁門外

皇朝命撫臣萬世德建

宣武祠

在南門內太平館西

宣祖三十一年建俗稱生祠

堂祀皇朝兵部尚書邢玠以御筆揭祠板○三

十七年并享皇朝經理楊鎬

耆老所

在中部澄清坊

太祖三年建

宗親府

國初建

議政府

右二廡并在此部觀光坊

忠勲府

在此部寬仁坊

太宗祖建

權撰記

舊在此部

廣化坊燕山十年撤罷中宗初移建于此

儀賓府

在此部廣化坊

國初建舊在中部貞善坊燕山

十年撤移他所中宗十一年移建于此

敦寧府 太宗十四年建

備邊司

右二廨并在此部貞善坊

明宗十年建

宣惠廳

在西部養生坊

光海戊申建

均役廳

在南部薰陶坊

英宗二十七年建

濬川司

在中部長通坊

英宗三十六年建

中樞府

在西部積善坊

國初建

義禁府

在中部堅平坊

太宗十四年建

世傳世祖朝監察鄭保籍沒後以其家為府

吏曹

戶曹

右二曹并任
中郎澄清坊

右二廨并國初建

分戶曹

在南郎
會賢坊

光海元年建

禮曹

世傳鄭道傳敗後取三軍府為曹故制極

壯麗

兵曹

刑曹

工曹

右四曹并任
西郎積善坊

漢城府

在中郎
澄清坊

右五廨并國初建

司憲府

在西郎
積善坊

國初建

徐居正
撰記

司諫院

在北郎
觀光坊

太宗二年建

徐居正
撰記

成均館

在東部崇禮坊

國初建

成旣換記

承文院

在中部貞善坊

舊在北部陽德坊世宗十五年

移建于禁中

李淑城撰記

宣祖二十五年倭亂燬

今上十一年移設于此

校書館

在中部貞善坊

國初建

李承旨撰記

讀書堂

在東部豆毛浦

中宗十年建

曹緯撰尹鉉撰讀書堂文會堂記

李植又撰湖堂故事

龍虎營

在北部陽德坊

英宗三十年建

訓練都監

在西部徐慶坊

宣祖二十七年建

別營

在麻浦

顯宗十四年建

北宮

在昌德宮西

糧餉廳

在南部薰陶坊

宣祖二十七年建

下都監

在南部明哲坊

昂訓局所屬公廨

禁衛營

在中部貞善坊

肅宗九年建

南別宮

在南部樂善坊

英宗六年建

御營廳

在東部蓮花坊

仁祖二年建

南小宮

在南部明哲坊

守禦廳

在北部鎮長坊

摠戎廳

在彰義門外

仁祖二年建
舊在北部鎮長坊

英宗二十六年移設于此

經理廳

肅宗三十七年建英宗二十三年併于

總戎廳

訓練院

在明哲坊部

國初建

左捕盜廳

在貞善坊部

右捕盜廳

在瑞麟坊部

右二廨并國朝中葉建

左巡廳

在貞善坊部

右巡廳

在澄清坊部

軍職廳

在貞善坊部

右三廨并國初建

衛將所

在貞善坊部

文宗元年建

忠翊府

在陽德坊部

國初建○肅宗二十七年併于

忠勲府

壯勇營

在東部蓮花坊

今上十一年以梨峴別宮為營

通禮院

在中部貞善坊

國初建

掌隸院

在西部積善坊

世祖十二年建

英宗四十年

革罷為保民司五十二年永罷

奉常寺

在西部淳熙記 仁達坊 ○尹子淑精又撰記

司宰監

在北部順化坊

宗簿寺

在北部 ○尹子藻現光坊撰記

司僕寺

在中部壽進坊

軍器寺

在西部 ○鄭以吾華坊記

內資寺

內膳寺

右二寺并
在西部仁達坊

司道寺

在廣化坊

右八廨并國初建

禮賓寺

在南會賢坊

國初建舊在西部蒼生坊今上

二年移設于南別宮內

司膳寺

在東部宗教坊

太宗朝建肅宗三十一年革罷

軍資監

在西部龍進坊

濟用監

在中部壽進坊

繕工監

在西部餘慶坊

右三廨并國初建

分繕工監

在西部仁達坊

掌樂院

○在西部明禮坊
成規撰記

觀象監

廣在化坊

典醫監

堅在中坊

司譯院

積善坊

廣興倉

江在西

右五廨并國初建

豐儲倉

義通坊

國初建今并于長興庫

典艦司

澄清坊

世祖十年建

南家撰記

今革屬公

曹

宗學

規先坊

世宗九年建

中宗朝革罷

濟生院

太祖六年建

後革罷

修城禁火司

在鍾樓東

今革罷

內需司

在西部
仁達坊

國初建

昭格署

在鎮長坊
在東部

國初建

宣祖二十五年倭亂

後革罷

宗廟署

在蓮花坊
在東部

社稷署

在仁達坊
在西部

平市署

在中部
慶幸坊

右三廨并太祖元年建

司醢署

國初建

今革罷

義盈庫

右二廨并在
西部積善坊

長興庫

在西部
仁達坊

冰庫

東庫在豆毛浦
西庫在屯智山

掌苑署

鎮在北
長坊部

司圃署

在中
壽進坊部

養賢庫

在東
崇教坊部

典牲署

在
屯智坊部

右六廨并國初建

司畜署

太祖元年建

英宗四十三年

草罷并于六曹

造紙署

在彰義門
蕩春臺

惠民署

在南
太平坊部

圖書署

在中
堅平坊部

典獄署

在中部瑞麟坊

活人署

東署在東部燕喜坊今盡
西署在龍山江

瓦署

在南智坊

右六廨并國初建

歸厚署

在南賢坊

太宗六年建

今上元年革併

于戶曹

中學

在北觀光坊

東學

在東彰善坊

南學

在南誠明坊

西學

在西餘慶坊

右四廨并太宗十一年建

北學

初建稍後於四學未幾還罷

中部

在本部
澄清坊

東部

在本部
蓮花坊

南部

在本部
薰陶坊

西部

在本部
徐慶坊

北部

在本部
現光坊

右五解并國初建

太清觀

國初建

後輩罷

長生殿

在北坊
觀光坊

國宗十四年建廟以東園門

燾神所

在禮曹西

國初建

能麼兒廳

仁祖朝建

儀仗庫

在右二廂并
中貞善坊

內侍府

在後秀坊

太平館

在崇禮門內

接待中朝使臣之所

館後有

樓世宗三十二年天使倪謙世祖二年天使高

潤成宗七年天使祚順并有登樓賦今則只

作勅使時儼禮備待之所而無於此接待天使

之規

南別宮

在南會賢坊

接待中國使華之所

世傳太宗朝尉馬趙

大臨之第而大臨雖甚在暴生係禁齋死地易名則必無居茅茨入為公廨之理且此說不見

公私掌故之籍而只傳於齊諸無稽之言則恐不可取後而文獻無徵達且公筆無由所攷實

可慨也已

慕華館

在敦義門外西北

本慕華樓世宗十二年改樓

為館

館前舊有紅箭門中宗三十年改立復

柱門扁曰延詔三十三年華使薛廷寵改扁曰

迦恩門今則以天使朱之蕃筆揭額

東平館

在南部樂善坊

接待日本使之所今廢

北平館

在東部興盛坊

接待野人之所今廢

鍾樓

在中部雲從街

太祖四年建閣世宗朝改構層樓

為十字街人馬通行其下懸鍾樓上以警晨昏

權近撰鍾銘

敦義門內貞陵寺中有大鍾西向

南大門欲以鳴晨昏鍾未及懸而安先敗宣祖二十五年倭亂鍾樓灰燼鍾亦消融遲都後改

建閣名懸
南大門鍾

鍾閣

在景福宮
光化門外

世祖二年鑄大鍾初置禁中後

構閣于光化門外以懸之申叔舟撰鍾銘 宣

祖二十五年倭亂閣燬鍾存英宗二十四年更

命建閣

濟川亭

在漢
江

以名勝前後華使遊賞之所今

廢

華陽亭

在樂天
亭

本司僕寺牧場世宗十四年建

取啟馬華陽之義命名

柳忠訥
撰記

樂天亭

在箭
串

太宗傳禪後初離宮於東郊臺上

作亭于其上卞季良撰記今廢

七德亭

在漢江下
白沙汀

世祖屢幸閱武因名以此今

廢

皇華亭

在豆毛
浦北麓

燕山構此亭為游行之所 中

宗反正後賜齊安大君埵今廢

流霞亭

在豆
毛浦

本壽進宮屬辭今上五年命賜奎

章閣以作選勝游賞之所

喜雨亭

在楊花
渡東麓

本孝寧大君補別墅世宗七年

上幸西郊觀稼見兩麥茂盛欣然有喜臨御是

亭適時雨沛然須臾四野饒洽上喜甚賜名其

亭曰喜雨 成宗朝月山大君嬙改搆改名望
遠亭每歲春秋省農及親臨觀水戰時賞御此

亭

洗釵亭

在彰義門
外蕩春臺

附歷朝營繕

世宗三年上於慶會樓東以散材搆別室不用礎砌
覆以茅草務令儉素常御是室見戶外有藁席問曰
誰為此乎自今非予命雖小物勿納于內

八年時修勤政殿泰贇許禔啓曰初搆之時凡殿宇
丹雘太祖務從儉約願殿下勿令侈羨上有好者下

必有甚者上曰丹腹用金予亦以為太侈卽令董役
官勿用

世祖八年黃海道觀察使請建金郊驛樓上教曰大
抵營作不可輕舉驛館有樓何關於國事守令不恤
民事競新樓閣以為咏觴之所弘濟院濟川亭以使
臣往來遊賞競壯爭雄殫竭財力予嘗非之况外方
樓觀乎盡毀何如右贊成具致寬請已作者不必毀
勿使新作為便從之

十三年命構無逸殿于昌德宮後苑將欲傳位而灑
養也

成宗六年以昌德宮門未有扁額出八者眩焉命藝文大提學徐居正命名而揭之

十八年繕工提調李世弼奏宣政殿乃接待天使之所丹雘宜用真彩上曰古云與其奢也寧陰但仍舊而已不必華侈為之

中宗二十三年政院啓曰昌德宮後苑有淡煙門不合大內門名命改以永肅門

明宗八年九月景福宮大內災教曰先王法宮不得不復而凶荒如此宜量力修舉康寧思政兩殿乃接待天使處不可不先勦欽敬閣出於世宗聖智而一

朝成灰瓦極傷痛亦依前制隨便營建事有先後其

餘諸役並停

翌年十月成祭告于宗廟及文昭延恩二殿復舍康寧殿書揭御詩無逸廟如

舊

李滉景福宮重新記曰往在中廟之末景福宮東

宮災寔嘉靖二十有二年癸卯正月也于時中宗

大王以聖德神功方隆至治仁宗大王龍潛毓德

仁孝格天其於舛施之灾所以盡人事承天意者

可謂極其道而無憾矣及至癸丑二月今我主上

殿下奉兩殿移御于昌德宮為其將有役于東宮

也而其年九月景福宮大內又災延及于思政殿

南廡我殿下避殿減膳祭告于宗廟而慰安之公卿同辭以啓曰今茲宮殿乃祖宗之所嘗御後嗣之所寓慕不可以時屈舉羸而少緩其繕修也請亟始事先是癸丑春命右議政尹漑禮曹判書鄭士龍工曹判書尹思翼光平君金明胤為都監提調以營東宮至是又命領議政沈連源左贊成尹元衡吏曹判書安珰工曹判書李名珪吏曹叅判沈通源為提調監繕大內又命舍人朴民猷等復欽敬閣乃發府藏賀木于京外以舒民力募游手役僧軍以助番軍汰冗官省游費以補國用甲寅

正月大內及東宮一時正基四月欽敬閣成六月
東宮成 月思政殿丕顯閣交恭殿延生殿慶成
殿養心堂紫微堂以次而成九月康寧殿成而功
告訖十一月戊申告于宗廟十二月己卯四殿還
御則但見其巍然燁然者神告天成無侈于前無
廢于後宛然昔日之基命宥密陟降周旋之所矣
金誠一書贈日本僧宗陳云我國宮闕不尚奢麗
不取宏壯唯以儉素為主無金銀之飾無髹斷之
巧而其制度規模則皆三代之遺制也

朴東亮曰明廟朝景福宮重修時相臣沈連源

尹漑以都監提調往審見外閣窓戶皆用真彩
尹公捉致該郎李仁健脫帽鎖項而責之曰惟
大內寢室用真彩而么麼一微官敢欲取媚要
譽當論以毀棄制書律辭氣勃勃仁健乃沈公
之壻也沈公聽若不聞待其苦衆乞極其困辱
然後徐曰此愚壻也年少新進不知國制自陷
忘作毀制之律無乃太重尹公乃止啓請推考
宣祖四年副提學盧守愼劄曰殿下於宮池之修初
豈遽有溺於逸欲之意然聖意一著於此轉動不去
安保其不有夸前侈後之好而為欲速盡美之累乎

此心日長輾轉繫縛殿下亦不自覺其陷溺於其中矣漢文欲作露臺直百金帝曰百金中八十家之產吾奉先帝宮室常恐羞之何以臺為蓋思祖宗創葦之難而念庶民為生之艱也太祖大王偶建此樓以為清燕之所太宗大王慮其地濶環樓而池之非直為觀美耳殿下若欲修補則不過將作一二日之役今也至遣史官察其勤慢四分監掌督其功程臣恐殿下之心已盡於此忽祖宗之創葦慢細民之為生有愧於文帝不啻萬萬也

三十六年秋八月時御所有投石踰牆之變命退等

宮牆備邊司啓曰時御所權設於閭閻今已十年其間虧損苟且難以盡言在聖上之心卧薪嘗膽之不暇而群下之情夫其一刻自安乎但今日退葺宮牆之役移之於修葺景福宮舊城則彼有舊功而用力不多此為無益而其役浩大不特事勢為然修葺舊闕亦是不可已之事若設房室如衛文公之爰舍于漕則孰不為宜乎曾聞天朝人論說則亦多以速擇地而定處為言矣上命停退宮牆之役

三十九年將修景福宮前縣令李國弼上疏極言景福宮不吉宜營昌德宮朝廷從其議改營昌德宮已

酉始訖役而拘於年忌未昂移御

光海戊申玉堂李垓劄曰功役浩穰調發萬計當此
搶攘豈宜有此宮中雖褊窄自有先王視事之所殿
下宜卽居於斯寢於斯仰瞻楹桶常若先王臨其上
此實肯構之道也

仁祖二十六年承旨俞禎啓曰殿下別構一堂於寢
殿之側殿下卮於公山卮於江都又卮於南漢其時
所居之室若何獨不念在莒時乎

孝宗六年上以慈懿大妃善病處所狹隘親相基於
欽敬閣舊地別建殿曰萬壽曰春暉蠲役夫身徭判

府使金墉疏曰帝王之居欲其深邃故九重壯內周
廬外列况后妃之所御乎欽敬之基在仁政殿之外
露出山樊極其淺狹金帟曜金兩門在左右西營北
營在其外駢闐喧聒晨夕紛擾正殿面勢西向當風
秋冬之際寒凜必倍重樓複閣不能遮護慈殿寢御
之安必不及壽靜此其不便者一也自古太后之所
御必在大內之東故謂之東朝昌慶在東亦以此也
移設於正殿西偏近外之地回互而且遠不合於古
禮尚左之意此其不可者二也欽敬閣乃世宗大王
之所建此閣之建千古帝王所無之美意亦千古帝

王之所不可及也聖人制作極精至密可以傳之萬世而為法今雖不得復設豈可并與其閣而毀之乎此其不可者二也

玉堂金壽恒疏曰退等宮牆臣以為未安法官門牆自有限闕傷百姓之力來四方之議非所以上安慈殿之心而下盡聖孝也欽敬閣即祖宗曆象授時之所先王敬天之道後嗣之所永觀撤舊基建新殿亦恐於義未安宜思勿毀明堂之訓以寓存羊之意顯宗六年諫官金錫胄啓曰昌德宮修繕雖非出內帑役僅旬朔而財有當惜則內外何異事成非時則

久暫奚論殿基傾仄者外加構間架請并還寢

八年命建集祥殿于慶德宮時上奉慈懿仁宣二大
妃備物致養咸盡其誠乃卽慈懿大妃時御萬壽殿
之東別構一殿名曰集祥以為仁善大妃時御之所
猶漢長樂長信之制焉

肅宗八年仁政殿修理初以明春為之旋下教曰仍
舊修葺雖與新創有異必費許多日子當此春窮民
貧之時興作巨役有乖安靜休息之道待秋舉行

二十五年教曰古人有喜雖小輒以名焉蓋以志不
忘也況其大者耶今春世子患候康復實莫大之慶

則其可無志喜乎遂改其所居藻淵之堂名新揭華
額所宜卽命詞臣記其事而第念歲在辛丑誕降之
初乃次于此堂辛酉舟梁之年又次于此堂故當其
改號之時中壘以合此慶命名之意縷縷陳請予乃
勉從易其堂名曰集慶卽諸慶萃于一堂之謂也以
故予嫌其自己之事亦涉其中尚今泯默矣更爲思
惟嫌於自己並與其忻悅之事而無傳可乎其令左
相集慶堂記製進蓋堂在慶德宮王世子處于斯堂
新有平復之慶故有是命御製措費寢露臺論曰道
千乘之國敬事而信節用而愛人昭昭聖訓炳炳千

古誠可謂建諸天地而不悖質諸鬼神而無疑何以明其然也噫惟天作之君作之師寵之四方者奚但自奉一身而已哉蓋為其天下萬民也苟能使在上之人反喪體驗於斯義躬行敦朴節以制度至誠惻怛如保赤子凡所以設於政令見於施措者一以損上益下為急先之務則黎民不期安而自安國勢不期固而自固矣至若秦始皇之阿房驪山宋徽宗之龍江艮岳雖或壯快於一時之心目而末流之禍竟至於民窮盜起宗廟丘墟則縱有臺池鳥獸豈能獨樂哉予嘗讀漢史至文帝惜中人十家之產寢露臺

經始之事未嘗不蹶然起敬三復歎美也嗟呼侈靡
固人情之所共好儉約卽人情之所共惡况以堂堂
萬乘之尊遭四海之寧謐致紅腐之貫朽一露臺之
營不營顧何關於財力之傷不傷而旣命旋寢不裁
近於矯情而適性乎曰大有所不然者書不云乎不
作無益害有蓋唐臣張蘊古陳戒于太宗曰以一人
治天下不以天下奉一人旨哉言乎人主以眇然之
一身居九重之深邃稼穡之艱難生民之疾苦漠然
無所聞知惟其驕奔淫佚之心不自覺其潛滋暗長
於紛華波蕩之中而不思所以先事防微之道惟意所

欲曰茲事至微何防後弊乎所費至細何傷民力乎
一日二日積小成大則幾何不至於悉耳目之所欲
窮心志之所樂耶推此而論之則文帝之輕於自奉
重於愛民不作無益身先節儉過人欲於將崩之
際措國家於磐石之安者可謂得聖人之垂訓識治
體之要道而雖帝堯之上階大禹之卑宮又何以加
於此乎然而天資之粹義氣資之高明誠能擴充不
忍人之心以行不忍人之政則可以駕三皇軼五帝矣
功烈豈如彼其少也而輒補未皇甘心自棄可勝
惜哉

臣謹按今此御製文字不是為本國宮室而作而峻宇之戎卑宮之化藹然於一篇之中其有裨於後嗣王觀覽之道尤為丁寧懇摯故取編於營繕之中俾備堂構之一助

英宗十七年以五禮儀宮殿門橋古今異名不便行禮也命前大提學李德壽正之待書成送于嶺南營刊行。教曰噫臺池一也而鹿臺酒池殷紂所以墜厥緒也靈臺靈沼周文所以興八百也其由何則為已為民之分也鄒聖亦不云同樂之意乎與民同樂則為周文不與民同樂則為殷紂豈鑑乎遠乎哉古

法堯舜當法祖宗爾覽御苑名堂名亭其豈偶然命名魚水即風雲契合之意也命名樂民即與民同樂之意也命名觀豐即為民祈豐之意也命名慶成即祝年大有之意也命名清心即澄心省事之意也命名聚奎即追惟濂洛之意也命名觀德即射以觀德之意也命名閱武即繫于苞桑之意也命名養心即存心養性之意也命名樂善即為善最樂之意也命名遜志即遜心愁學之意也命名涵仁即萬物同春之意也竊特觀其名昔年御製中愛蓮亭樂民亭記雖在燕閒之時日昃不遑之聖意藹然於宸翰之中

其若奉覽自可悚然於戲元良遊於此憇於此深體命名之意則可與聖賢同歸若或放忽而遊憇反與庸昏同輒可不懔懔可不懔懔

高麗忠宣王元年令富人就宣義門內間地緣道

作瓦屋又令五部民家皆覆以瓦

以下私室

本朝成宗二十五年有人作舍於鳳安君受賜田漢城府請撤去上曰莫非王土莫非王臣雖茅屋數間宜念小民營作之勞其勿毀

叅判李陸構室事王子檜山君括家減制事

并詳見刑

考

宣祖二十四年副提學金誠一劄曰土木之役今
幾年矣丁丁之斧電掣於深山呼邪之聲雷動於
都中千章之木非神運鬼輸皆民力之所轉也償
役之價亦非天降地產皆穢杼之所出也聞閩東
山郡民戶尋虎豹之穴運連抱之材牛倒人仆死
於崖谷者相望以有限之力應無已之役子遺之
民所餘幾何列邑蕭條村落空虛人烟為豹虎之
窟田野變荆棘之藪王子第宅雖不可廢峻宇雕
牆連街亘衢者皆新營甲第也不啻唐家木妖復
見於聖主也

李鑒雅說曰王宮法殿南向聽治朝享之正位
故政府樞府六曹諸省皆列光化門之外在東
者西其向在西者東其向非徒公府然也士大
夫私居之室其廳事則或東或西而不敢南向
雖居家之時不敢僭分面南及中廟朝以後紀
綱漸解人心日奔犯余踰禮之事無有紀極則
家舍所向之南北不暇問也可見立道之漸降
而人心之不古矣

又曰我朝立法上自公卿下至庶人家舍間架皆
有定制如或僭濫則漢城府有時巡檢毀撤過

制之數中葉以來國不罷禁人不顧忌雲蒼
霞閣跨其越陌公卿之家擬諸宮闕士庶
之室有同公廨犯分踰制無有紀極至於壬
辰倭賊之亂都城大小廬舍蕩為灰燼破瓦
殘礎論目慘然物盛而衰固其然也

仁祖二年承旨金德誠啓曰營建用餘材瓦為
題給主家光海督土木役未完而反正聖上視
此一木則曰死民之骨也念此一瓦則曰虐罔
所燔也既陳其不可而還奉聖旨則倭矣請斥
退臣身然後更下題給之教

孝宗八年宋時烈疏曰頃者殿下違拒衆議營
造大內雖以慈殿之志言之宗廟之羞恥未雪
豈欲安居於壯麗之中哉至於公主第宅不宜
屢興大役以增愁怨自古傾壞之日公主駙馬
乞為私孥而不可得况能保有宮室耶

顯宗六年校理金錫曹疏曰淑敬公主房營造
價至七八千兩復以度支糧料內司所費計之滿
萬萬餘以終之一歲民布設有不足其亦幾何

鄭載堉曰永安尉賜第在國防素稱甲第嘗
曰甲第之能傳子孫者吾未曾見故吾奉先祀不

造祀宇其親居第無異逆豫義昌君構第於西
學洞擇材甚良築基甚堅曰使後世子孫無更
修之勞後所安子孫尚居其第義昌之第屢易
其主

人曰貞慎翁王燕見嘗告于宣廟曰所居賤露
語音聞于隣舍閨壺難以遮蔽請蓋市傍家崇
其垣墉以作內外之限教曰婦人語聲低細則
無聞外之弊以物障隔則無越見之患乃命繕
工監下蓋簾二部于主第

肅宗六年知經筵閔維重啓曰宮家間架古有定

制今番公主第宅廣占基址務為崇侈非但物力
難支為弊甚多惡歸于國自上宜別樣軫念友愛
之道不在於崇侈第宅矣上曰予當斟酌為之○
戶曹啓曰明安公主家舍基址散遣即官打量則
統合諸家為一千八百二十六間曾在先朝公主
第宅基址皆以一千六百間為定今此打量比前
例所加者多至二百二十六間宜有裁減之道命
依先朝定式舉行

金柱臣等今見都下家舍基布星羅無一尺隙
地以此家基址形南北高低家各異而門巷向

背亦皆不同皆欲向北為家則家舍形勢必
多面背倒置左右橫斜之患平生安宅傾錯如此
則甚是不備而且古今禮書律文無私室不
可向南之說則國朝中葉以前士夫第宅不可
向南恐是太拘

又曰金宇顯所撰曹南

曹植別號

行錄曰所居書

室皆施丹雘蓋取所明淨也洪邁所撰判書柳
辰全碑文曰節儉自持所居第宅不施丹雘李
德洞竹泉詩註曰沈領相連源營造妾家至施
丹雘大司憲趙士秀與沈相同八經造面刻其

非及退沈相笑謂趙曰微公之言吾適益重還
家盡洗其丹青云蓋壬辰兵火以前京師卿宰
之家多施丹青矐耳目熟習故以南冥山林處士
猶為此華侈也即今勿論勳戚甲第雖貴主第
宅祠宇外未有施丹青處若使南冥沈相生於
世則必不為此習俗之移人如此

東國文獻備考卷之三十六



